




Republika e Kosovës
Republika Kosovo / Republic of Kosovo



Komuna e Rahovecit

Opština Orahovac / Municipality Rahovec

Drejtoria për Bujqësi, Pylltari dhe Zhvillim Rural
Uprava za Poleprivredu, Sumarstvo i Ruralni Razvoj
Department of Agriculture, Forestry and Rural Development



-III- Nr. i prot. 464 Mb. 26.04.2019
Br. prot. Dt. 26.04.2019
RAHOVEC - ORAHOVAC

RAPORT I PUNËS

TM1/2019



PËRMBAJTJA

PËRMBAJTJA	2
DREJTORIA PËR BUJQËSI, PYLLTARI DHE ZHVILLIM RURAL	3
Projektet e investimeve kapitale	4
PËRFUNDIM	5

DREJTORIA PËR BUJQËSI, PYLLTARI DHE ZHVILLIM RURAL

Bujqësia, Pylltaria dhe Zhvillimi Rural janë sektorët kryesor të cilët mund të kontribuojnë dukshëm në zhvillimin e përgjithshëm ekonomik të vendit.

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Fillimi i vitit është karakterizuar me përpilimin e planit të punës për vitin 2019, plani i hartuar është mjaft ambicioz i cili ka ngërthyer në vehte aktivitete të shumta në kuadër të drejtorisë së bujqësisë. Në kuadër të këtij plani është bërë edhe planifikimi i aktiviteteve, i ndarë në periudha tremujore.

Aktivitetet në periudhën: janar, shkurt, mars

Në kuadër të drejtorisë së BPZHR-së, nga janari janë realizuar një mori aktivitete. Ndër më kryesoret do të paraqiten të specifikuar sipas kohës në të cilën kanë ndodhur.

- Pranim i aplikacioneve për subvencionim të qumështit për tremujorin e katërt të vitit 2018 për fermerët blegtor (MBPZHR hap thirrjen në baza 3 mujore, Drejtoria e BPZHR-së pranon aplikacionet dhe të njëjtat i dorëzon në Ministri për pagesë).
- DBPZHR ka ndërmarr masat dhe është përgatitur me kohë për hapjen e thirrjeve nga MBPZHR për pagesa direkte (jemi kujdesur që të furnizohemi me material administrativ për të përballuar fluksin e madh të fermerëve),
- Lidhur me pranimin e aplikacioneve, kemi kryer të gjitha përgatitjet rreth funksionalizimit të zyrave në dy qendrat më të mëdha të komunës sonë për aplikim të fermerëve atë në Ratkoc dhe Krushë e Madhe. Me kohë jemi pajisur me qasjet e nevojshme në të gjithë softverët që janë të lidhur me plotësim të dokumenteve që kërkohen nga MBPZHR. Poashtu leje e veçant nga Agjencioni Kadastral i Kosovës për mundësinë e nxerrjes së dokumenteve të pronësisë edhe në këto dy qendra. E gjithë kjo me të vetmin qëllim për të ju lehtësuar fermerëve të komunës sonë këtë proces.
- Poashtu jemi përgatitur dhe kanë përfunduar me kohë procedurat për rritje të stafit në drejtori për pagesa direkte (janë pranuar 5 zyrtarë të rinj me kontratë për punë specifike të cilët janë trajnuar dhe aftësuar për përdorim të programit të ministrisë gjatë procesit të aplikimit dhe digjitalizimi i parcelave),
- Në bashkëpunim me organizatën IADK me të cilën kemi të nënshkruar marrëveshje bashkëpunimi kemi implementuar disa projekte si:
 - Projekti për trajnim të të rinjëve në sektorin e bujqësisë për grupmoshat 18-29 vjeç,
 - Aplikimi dhe shpërndarja e granteve për të Riatdhesuarit,
 - Grantet në sektorin e Bimëve Mjeksore Aromatike – BMA.
- Në bashkëpunim me Qendrën Grumbulluese “ Agrocelina” është organizuar takim me fermerë të komunës sonë. Në këtë takim është paraqitur planifikimi i QG “Agrocelina” për vitin 2019 dhe u është prezantuar oferta për eksport fermerëve në mënyrë që të lidhen kontratat me këtë Qendër Grumbulluese.

- Dita Ndërkombëtare Pyjeve - Në bashkëpunim me Asociacionin e Pronarëve Privat të Pyjeve është organizuar Dita Ndërkombëtare e Pyjeve, janë siguruar 1,000 fidane për komunën e Rahovecit të cilat janë mbjell në lokacione ku janë përkujtuar të rënët për liri me moton “ Një fidan, një kujtim”.
- Në sektorin e blegtorisë, në bashkëpunim me Agjencionin e Ushqimit dhe Veterinës është kryer repelimi i kafsheve të komunës sonë për parandalimin dhe mbrojtjen nga rriqrat (gjithsej 6,147 gjedhe 12,140 dele dhe 1,402 dhi në 33 fshatra dhe qytet).
- Janë organizuar dy trajnime për fermerë, njëri në sektorin e Blegtorisë dhe tjetri në atë të Bletarisë në kuadër të shërbimeve këshillimore që funksionon si urëlidhëse në mes të Ministrisë dhe fermerëve,
- Në bashkëpunim me drejtorinë për Gjeodezi, Kadastër dhe Pronë, janë zhvilluar procedurat për dhënie të pronës komunale me qira.
- Pranimit dhe përgjigje ndaj kërkesave të ndryshme nga qytetarët, si dhe
- Shërbime të tjera në kuadër të drejtorisë si: Vërtetim për fermer, NIF, ndërrim i destinimit të tokës bujqësore, vlerësim të dëmeve të shkaktuara në sektorin e bujqësisë etj.

Projektet e investimeve kapitale

Qysh në fillim të vitit kanë rifilluar punimet në projektet ku kemi kontratë me Operatorët Ekonomik.

- Ka vazhduar ndërtimi i serave të pa përfunduara, ky projekt pritet të përfundoj në fund të muajit prill.
- Me përmirësimin e kushteve atmosferike kanë rifilluar punimet edhe në projektet e kanaleve të kullimit si: Kullimit i tokave bujqësore në Malësi të Vogël, Gexhë, Ratkoc,
- Projekti për uljen e nivelit të përroit në fshatin Celinë, projekti ka vazhduar edhe përkundër faktit se gjatë punimeve janë shfaqur disa probleme, si është rasti me nënkalimin te hekurudha, pengesat e gypëve të sistemit të ujitjes, por që tani janë tejkaluar dhe projekti është në fazën përfundimtare.
- Në projektin “Ndërtimi i infrastrukturës për festivalin dhe tregun e rrushit” janë lryer të gjitha pozicionet dhe Operatori Ekonomik ka paraqit kërkesë për pranim teknik. Kemi formuar komisionin i cili ka filluar të inspektoj punimet dhe është në fazën e përpilimit të raportit. Me përfundimin e fazës së parë do të fillojnë procedurat për fillimin e fazës së dytë ku theksi do të bie te ndërtimi i shtëpizave (tezgëve) prej druri që shërbejnë për ekspozim dhe shitje të produkteve bujqësore.
- Projekti i kullimit të tokave bujqësore në Xërxë edhe përkundër presionit të vazhdueshëm akoma nuk ka filluar pasi Operatori Ekonomik që ka kontratë të nënshkruar me komunën e Rahovecit ka has në probleme me banorët ku do të ndërtohet kanali. Banorët kanë parashtruar kërkesë që kanali në segmentin përgjatë rrugës të ndërtohet i mbyllur. Ne e kemi aprovuar këtë kërkesë pasi kemi konsideruar se përmban arsyeshmëri dhe shumë shpejt do të ketë zhvillime edhe në këtë projekt

PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese.

Duke u bazua në planin e punës kemi devijim nga ajo çka ne kemi planifikuar pasi që periudha e parë që përfshinë muajt janar, shkurt dhe mars kemi paraparë që të zhvillohet procesi i aplikimit për pagesa direkte-subvencione në kuadër të MBPZHR-se, dihet që akoma nuk është hapur thirrja dhe për këtë arsye kemi mospërbushje të planit të punës.

Kontakti me qytetarët dhe me grupet e interesit për të trajtuar dhe zgjidhur së bashku kërkesa, nevoja dhe interesa të tyre, është i vazhdueshëm.

Kemi krijuar raporte të mira me OJQ-të, me grupe të ndryshme, profesionist të fushave, me theks të veçant ingjiner të bujqësisë ku kemi pranuar këshilla, vërejtje dhe ide në mënyrë që të përmirësohemi dhe të zhvillojmë bujqësinë përditë e më mirë.

05.04.2019

Rahovec

DREJTORI I DBPZHR-së

Berat Duraku